



周大福慈善基金
Chow Tai Fook Charity Foundation

社區組織協會·愛連心「SOS 999 衙門·差館－藝術及手藝展覽」開幕禮

日期：2019 年 5 月 11 日 (星期六)

時間：下午 3 時 30 分

地點：深水埗汝州街 269 號一樓

形式：主持開幕儀式

語言：廣東話

周大福慈善基金理事紀文鳳女士 GBS JP

演辭

Bernard、Margaret、喜華、麗珊、各位來賓、各位支持呢個計劃嘅婦女朋友、各位傳媒朋友：

大家好！今日好高興出席「衙門·差館」藝術及手藝展覽嘅開幕禮。

聽日就係母親節，活動蘊含嘅意義十分切合展覽嘅主題。警隊在過去 175 年一直貢獻社會，而偉大的媽媽一直盡心照顧家人，實在值得向佢哋致敬。

「愛連心」創立短短五年已成為我哋喜愛嘅環保創意社企，為好多婦女提供响屋企工作嘅機會。呢個深水埗「回家展」充滿咗愛同正能量，透過有心人嘅展品帶出我哋香港人自強不息、互助互愛嘅精神。

周大福慈善基金特別關注婦女嘅就業問題，舊年基金會以深水埗為試點，啟動「心深連動」支援計劃，向基層家庭提供支援金，解決托兒、就業培訓、以及職業轉介等需要，藉此幫助婦女重投勞動市場，令佢哋嘅生活得到改善，家庭更和諧，長遠紓緩貧窮問題。

我哋同 SoCO 响七年前合作設立嘅「社區新世界」社區中心，登記會員人數至今已超過一萬。社區中心最近搬到元州街步陞工商業大廈，新會址面積接近四千呎，除一貫針對基層婦女及兒童嘅扶貧、就業及社區適應服務外，更新增各種兒童發展服務，例如言語、音樂訓練，令服務更細緻及專業。

我藉此機會恭賀「衙門·差館」展覽順利舉行，並祝願大家身體健康，生活愉快，同家人歡渡母親節！

多謝大家！